

摘藻堂四庫全書薈要

集部

欽定四庫全書薈要卷一萬八千七十九

集部

御定全唐詩卷六百七十四

鄭谷

鄭谷字守愚袁州人光啟三年擢第官右拾遺歷都官郎中幼即能詩名盛唐末有雲臺編三卷宜陽集二卷外集三卷今編詩四卷

感興

禾黍不陽艷競栽桃李春翻令力耕者半

一作多

作賣花

人

望湘亭

湘水似伊水
湘人非故人
登臨獨無語
風柳自搖春

採桑

曉陌攜籠去
桑林

一作村

路隔淮何如
鬪百草
賭取鳳皇

釵

悶題

落第春相困
無心惜落花
荆山歸不得
歸得亦無家

中臺五題

松格一何高何人號乳毛霜天寓直夜媿爾伴閒曹

右乳毛松

賢人骨已銷墓樹幾

一作半

榮凋正直魂如在齋心願一

招

右樗里子墓

亂前看不足亂後眼偏明却得蓬蒿力遮藏見太平

右牡丹

唐昌樹已荒天意眷文昌曉入微風起春時雪滿牆

右玉蕊

亂前唐昌觀
玉蕊最盛

暴亂免遺折森羅賢達名末郎何所取叨繼外門榮

右石柱

外祖在南宮七轉
名曹錫記皆在

別同志

所立共寒苦生平同與遊相看臨遠水獨自上孤舟天
澹滄浪晚風悲蘭杜秋前程吟此景為子上高樓

送進士盧祭東歸

灞岸草萋萋離觴我獨攜流年俱老大失意又東西
曉楚山雲滿春吳水樹低到家梅雨歇猶有子規啼

從叔郎中誠輟自秋曹分符安陸屬羣盜倡熾
流毒江壖竟以援兵不來城池失守例削今任
却敘省銜退居荆漢之間頗得琴尊之趣因有

寄獻

華省稱前任何慙削一麾滄洲失孤壘白髮出重圍苦
節翻多難空山自喜歸悠悠清漢上漁者日相依

送徐渙端公南歸

一本無渙字

青衿離白社朱綬

一作綬

始言歸此去應多

一作多應

羨初心

盡不違江帆和日落越鳥近鄉飛一路春風裏楊花雪
滿衣

送祠部曹郎中鄴出守洋州

為儒欣出守上路亦戎裝舊製詩多諷分憂俗必康開
懷江稻熟寄信露橙香郡閣清吟夜寒星識望郎

送進士許彬

泗上未休兵壺闕事可驚
流年催我老遠道念君行
踐雪臨晴水寒梅發故城
何當食新稻歲稔又時平

次韻和王駕校書結綬見寄之什

直應歸諫署方肯別山村
勤苦常同業孤單共感恩
醉披仙鶴氅吟扣野僧門
夢見君高趣天涼自灌園

祕閣伴直

祕閣鎖書深牆南列晚岑
吏人同野鹿庭木似山林
淺井寒蕪入迴廊疊蘚侵
閒看薛稷鶴共起五湖心

送太學顏

一作時

明經及第東歸

平楚干戈後田園失耦耕艱難登一第離

一作喪

亂省諸

兄樹沒春江漲人繁野渡晴閒來思學館猶夢雪窗明

送進士趙能卿下第南歸

不歸何慰親歸去舊風塵灑淚慙闕吏無言

一作書

對越

人遠帆花月夜微岸水天春莫便隨漁釣平生已苦辛

送人遊邊

春亦怯邊遊此行風正秋別離逢雨夜

一作聞夜雨

道路向

雲州磧樹藏城近沙河漾日流將軍方破虜莫惜獻良
籌

送人之九江謁郡侯苗員外紳

澤國尋知己南浮不偶遊
湓城分楚塞廬岳對江州
曉飯臨孤嶼春帆入亂流
雙旌相望處月白庾公樓

送許崇先輩之官涇縣

白頭新作尉縣在故

一作古

山中高第能卑宦前賢尚此

風蕪湖春蕩漾梅雨晝溟濛
佐理人安後篇章莫廢功

一作
攻

送司封從叔員外微赴華州裴尚書均辟

如何拋錦帳蓮府對蓮峰舊有雲霞約暫留鷓鴣蹤敷
溪秋雪岸樹谷夕陽鐘盡入新吟境歸朝興莫慵

送京參翁先輩歸閩中

解印東歸去人情此際多名高五七字道勝兩重科宿
館明寒燒一作燭吟船兀夜波家山春更好越鳥在庭柯

贈別

南遊曾共遊相別倍相留行色迴燈曉離聲滿竹

一作
笛

秋穩眠彭蠡浪好醉岳陽樓明日逢佳景爲君成白頭

南遊

淒涼懷古意湘浦弔靈均故國經新歲扁舟寄病身山
城多曉瘴澤國少晴春漸遠無相識青梅獨向

一作
問人

巴賓旅寓寄朝中從叔

驚秋思浩然信美向巴天獨倚臨江樹初聞落日蟬衰
榮悲往事漂泊念多年未便甘休去吾宗盡見憐

寄司勳張員外學士

平昔偏知我，司勳張外郎。
昨來聞俶擾，憂甚欲顛狂。
煙暝搔愁鬢，春陰賴酒鄉。
江樓倚不得，橫笛數聲長。

寄邊上從事

男兒懷壯節，何不一作河外事嫖姚。
高壘觀諸寨，全師護大

朝。淺山寒放馬，亂火夜防苗。
下第春愁甚，勞君遠見招。

寄左省韋起居序一作宇

風神何蘊藉，張緒正當年。
端簡爐香裏，濡毫洞案邊。
飾

裝無雨備著述減春眠旦夕應彌入銀臺曉候宣

寄贈藍田韋少府先輩

王畿第一縣縣尉是詞人館殿非初意圖書是舊貧斫

冰泉竇響賽雪廟松春自此昇通籍清華日近

一作逼身

寄懷元秀上人

悠悠干祿利草草廢漁樵身世堪惆悵風騷頗寂寥
高秋期野步積雨放趨朝得句如相憶莎齋且見招

贈圓昉公

昉蜀僧僖宗幸蜀昉堅免紫衣

天階讓紫衣冷格鶴猶早道勝嫌名出身閒覺老遲晚
香延宿火寒磬度高枝長說長松寺他年與我期

寄題方干處士

山雪照湖水漾舟湖畔歸松篁調遠籟

一作韻

臺榭發清

輝野岫分閒

一作開

徑漁家並掩扉暮年詩力在新

一作析

句更幽微

寄獻湖州從叔員外

顧渚山邊郡溪將罨畫通遠看城郭裏

一作外又作處

全在水

雲中西閣歸何晚東吳興未窮
茶香紫筍露洲迴白蘋
風歌緩看低翠杯明蠟翦紅
政成尋往事輟棹問漁翁

訪姨兄王斌渭口別墅

一本無王斌二字

枯桑河

一作桑柘江

上村寥

一作牢

落舊田園少小曾來此悲

涼不可言訪鄰多指塚問路半移原
久歎家僮散初晴

野薺繁客帆懸極浦漁網曬危軒
苦澀詩盈篋荒唐酒

滿尊高枝霜果在幽渚暝禽喧
遠靄籠樵響微烟起燒
痕衰榮孤族分感激外兄思三宿
忘歸去圭峰恰對門

放朝偶作

寒極放朝天欣聞半夜宣時安逢密雪日晏得

一作待高

眠擁褐同休假吟詩賀有年坐來幽興在松亞小窗前

順動後藍田偶作

時丙辰
初夏月

小諫昇中諫三年侍玉除且

一作直

言無所

一作以

補浩歎

欲何如宮闕飛灰燼嬪嬙落里閭藍峰秋更碧霑灑望
鑿輿

府中寓止寄趙大諫

老作含香客，貧無儻舍錢。
神州容寄跡，大尹是同年。
密邇都忘倦，乖慵益見憐。
雪風花月好，中夜便招延。

峽中寓止二首

荊州未解圍，小縣結茅茨。
強對宮人笑，甘

一作偏

爲野鶴

欺江春，鋪網濶市晚。
鬻蔬遲子美，猶如此翻然。
不敢悲傳聞，殊不定鑿輅。
幾時還俗易，無常性江清。
見老顏夜船歸，草市春步上。
茶山寨將來相問兒，重競啓闕

顏惠詹事即孤姪舅氏謫官黔巫舟中相遇愴

然有寄

猶子在天末念渠懷渭陽
巴山偶會遇江浦共悲涼
謫宦君何遠窮遊我自強
瘴村三月暮雨熟野梅黃

訪題進士孫秦延福南街居

多病久離索相尋聊解顏
短牆通御水疎樹出南山
歲月何難老園林未得還
無門共榮達孤坐却如閒

訪題進士張喬延興門外所居

平生苦節同旦夕會原東
掩卷斜陽裏看山落

一作木

中星霜今

一作吟

欲老江海業全空
近日文場內因君起

古風

寄南浦謫官

多才翻得罪天末
抱窮憂白首爲遷客
青山繞萬州醉

敲梅障曉

一作晚

歌厭竹枝秋望闕
懷鄉淚荆江水共流

李夷遇侍御久滯水鄉
因抒寄懷

簪豸年何久懸帆興甚長
江流愛吳越詩格愈

一作邁

齊

梁竹寺晴吟遠蘭洲晚

一作曉

泊香高閒徒自任
華省待

爲郎

寄膳部李郎中昌符

鄠郊陪野步早歲偶因詩自後吟新句長愁減舊知靜
燈微落燼寒硯旋生澌夜夜冥搜苦那能鬢不衰

寄前水部賈員外嵩

謝病別文昌仙舟向越鄉貴爲金馬客雅稱水曹郎白
鷺同孤潔清波共渺茫相如詞賦外騷雅一作野趣何長

寄棊客

松窓楸局穩相顧思皆凝幾局賭山果一先饒海僧覆
圖聞夜雨下子對秋燈何日無羈束期君向杜陵

聞進士許彬罷舉歸睦州悵然懷寄

桐廬歸舊廬垂老復樵漁吾子雖言命鄉人嬾讀書煙
舟撐晚浦雨屐翦春蔬異代名方振哀吟莫廢初

長安夜坐寄懷湖外嵇處士

萬里念江海浩然天地秋風高羣木落夜久數星流鐘

絕分宮漏螢微隔御溝遙思

一作知

洞庭上葦露滴

一作滿

漁舟

贈文士王雄

知己竟何人哀

一作夫

君尚苦辛圖書長在手文學老於

身公道天難廢貞姿世

一作士

任嗔

一作真

小齋松菊靜

願卜子爲鄰

贈富平李宰

夫君清且貧琴鶴最相親簡肅諸曹事安閒一境人陵
山雲裏拜渠路雨中巡易得連宵醉千缸石凍春

贈尚顏上人

相尋喜可知，放錫便論詩。
酷愛山兼水，唯應我與師。
風雷吟不覺，猿鶴老爲期。
近輩推一作唯棲白，其如趣向卑。

贈泗口苗居士

歲宴樂園林，維摩契道心。
江雲寒不散，庭雪夜方深。
酒

勸漁一作共遊人，飲詩憐稚子。
吟四郊多壘，日勉我捨朝簪。

梁燭處士辭金陵相國杜公歸舊山，因以寄贈
相庭留不得，江野有苔磯。
兩浙尋山徧，孤舟載鶴歸。
世

間書讀盡雲

一作僧

外客來稀諫署搜賢急應難惜

一作借

布衣

哭建州李員外頻

令終歸故里末歲道如初舊友誰爲誌清風豈易書
雨墳生野蕨鄉奠釣江魚獨夜吟還泣前年伴直廬

哭進士李洞二首

李生酷愛賈浪仙詩長江在東蜀境內浪仙塚於此處

所惜絕吟聲不悲君不榮李端終薄宦賈島得高名
旅葬新墳小遺孤遠俗輕猶疑隨計晚昨夜草蟲鳴

自聞東蜀病唯我獨闕情若近長江死想君勝在生瘴
蒸丹旄濕燈隔素帷清塚樹僧栽後新蟬一兩聲

南康郡牧陸肱郎中辟許棠先輩爲郡從事因
有寄贈

末路

一作振鷺

思前侶猶

一作難

爲戀故巢江山多勝境

一作景

賓主是貧交飲舫閒依葦琴堂雅結茅夜清僧伴宿水
月在松梢

久不得張喬消息

一本題下有
有寄二字

天末去程孤，沿淮復向吳。亂離何處甚，安穩到家無。樹

盡雲垂野，檣稀月滿湖。傷心繞村落

路一作

應少舊耕夫

題嵩高隱者居

豈易訪仙蹤，雲蘿千萬重。他年來卜隱，此景

境一作

願相

容亂水林中路，深山雪裏鐘。見君琴酒樂，回首興何慵。

趙璘

林一作

郎中席上賦蝴蝶

尋豔復尋香，似閒還似忙。暖烟沈蕙徑，微雨宿花房。書
幌輕隨夢，歌樓誤採粧。王孫深屬意，繡入舞衣裳。

賀進士駱用錫登第

苦辛垂二紀擢第却霑裳春榜到春晚一家榮一鄉題
名登塔喜釀宴爲花忙好是東歸日高槐蕊半黃

興州東池

南連乳郡流濶碧浸晴樓徹底千峰影無風一片秋垂
楊拂蓮葉返照媚漁舟鑑貌還惆悵難遮兩鬢羞

渠江旅思

流落復蹉跎交親半逝波謀身非不切言命欲如何故

楚春田廢窮巴瘴雨多引人鄉淚盡夜夜竹枝歌

登杭州城

一作題杭州樟亭
一作題樟亭驛樓

漠漠

一作故國

江天外登臨返照間潮來

一作平

無別浦木落

見他山沙鳥晴飛遠漁人夜唱間歲窮歸未得心逐片

帆還

曲江

細草岸西東酒旗搖水風樓臺在煙

一作花

杪鷗鷺下沙

一作煙

中翠幄晴相接芳洲夜暫空何人賞秋景興與此

時同

沙苑

茫茫信馬行不似近都城苑吏猶迷路江人莫問程聚
來千嶂出落去一川平日暮客心速愁聞鴈數聲

通川客舍

奔走失前計淹留非本心已難消永夜况復聽秋霖漸
解巴兒語誰憐越客吟黃花徒滿手白髮不勝簪

潼關道中

白道曉霜迷離燈照馬嘶秋風滿闕樹殘月隔河雞來
往非無倦窮通豈易齊何年歸故社披雨翦春畦

終南白鶴觀

步步景通真門前衆水分檉蘿諸洞一作洞口合鐘磬上清

聞古木千尋雪寒山萬丈雲終期埽壇級來事一作伴紫

陽君

題興善寺寂上人院

客來風雨後院靜似荒涼罷講蛩離砌思山葉滿廊臘

高興故疾爐暖發餘香自說匡廬側杉

一作移

陰半石牀

題水部李羽員外招國里居

野色入前軒
翛然琴與尊
畫僧依寺壁
栽葦學江村
自

醞一作醒

花前酒

一作醉

誰敲雪裏門
不辭朝謁遠
唯要近

慈恩

信美寺岑上人

一作司空圖詩

巡禮諸方徧
湘南頗有緣
焚香老山

一作僧

寺乞食向江

船
紗碧籠名畫
燈寒照靜禪
我來能永日
蓮漏滴堦前

池上

池榭

一作榭

愜幽獨狂吟學解朝露荷香自在

一作任

風竹

冷相敲喪志嫌孤宦忘機愛澹交
仙山如有分必擬訪
三茅

遊貴侯城南林墅

韋杜八九月亭臺高下風獨來
新霽後閒步澹煙中荷

密一作莎軟連池綠柿繁和葉紅
主人貪貴連清境屬鄰翁

江行

漂泊病難任逢人淚滿襟
關東多事日天末未歸心
夜

雨荆江漲

一作潤

春雲郢樹深殷勤聽漁唱
漸次

一作漸

入

吳音

舟次通泉精舍

江清如洛汭寺好似香山
勞倦孤舟裏登臨半日間
樹

涼巢鶴健巖響語僧閒
更共幽雲約秋隨絳帳還

時谷將之

瀘州省拜恩地

水軒

日日狎沙禽，偷安且放吟。
讀書老不入，愛酒病還深。
歎

後為羈

一作飢

客兵餘問故林楊，花滿牀席搔首度春陰。

潯陽姚宰廳作

縣幽公事稀，庭草是山薇。
足

一作縱

得招棊侶何妨着，道

衣野泉當案落，汀鷺入衙飛。
寺去東林近，多應隔宿歸。

梓潼歲暮

江城無宿雪，風物易為春。
酒美消磨日，梅香著莫人。
老吟窮景象，多難損精神。
漸有還京望，綿州減戰塵。

咸陽

咸陽城下宿往事可悲思未有謀身計頻遷反正期凍
河孤棹澀老樹壘巢危莫問今行止漂漂不自知

一作
自不

長安感興

徒勞悲喪亂自古戒繁華落日狐兔徑近年公相家可
悲聞玉笛不見走香車寂寞牆匡裏春陰挫杏花

聞所知遊樊川有寄

一本無有
寄二字

誰無泉石趣朝下少同過貪勝覺程近愛閒經雨多片

沙留白鳥高木引青蘿醉把漁竿去殷勤藉岸莎

張谷田舍

縣官清且儉深谷有

一作自

人家一徑入寒竹小橋穿野

花碓喧春澗滿梯倚綠桑斜自說年來稔前村酒可賒

深居

吾道有誰同深居自固窮殷勤謝綠樹朝夕惠清風書
滿閒窗下琴橫野艇中年來頭更白雅稱釣漁翁

端居

葉葉下高梧端居失所圖亂離時輩少風月夜吟孤舊
疾衰還有窮愁醉暫無秋光如水國不語理霜鬚

郊園

相近復相尋山僧與水禽煙蓑春釣靜雪屋夜碁深雅
道誰開口時風未醒一作省心溪光何以報祇有醉和吟

郊野

一作墅

蓼水菊籬邊新晴有亂蟬秋光終寂寞晚醉自留連野

濕禾

一作林

中露村間社後天題詩滿紅葉何必浣花牋

旅寓洛南村舍

村落清明近鞦韆稚女誇春陰妨柳絮月黑見梨花白
鳥窺魚網青帘認酒家幽棲雖自適交友在京華

杏花

不學梅欺雪輕紅照碧池小桃新謝後雙燕却來時香

屬登龍客

一作室

煙籠宿蝶枝臨軒須貌取風雨易離披

水林檎花

一露一朝新簾攏曉景分豔和蜂蝶動香帶管弦聞笑

擬春無力粧濃酒漸醺直疑風起雨一作夜飛去替行雲

蓼花

簇簇復悠悠年年拂漫流差池伴黃菊冷澹過清秋晚

帶鳴蟲一作

急寒藏宿鷺愁故溪歸不得憑仗繫漁舟

江梅

江梅且緩飛前輩有歌詞莫惜黃金縷難忘白雪枝吟
看歸不得醉嗅立如癡和雨和煙折含情寄所思

荔枝

平昔誰相愛驪山遇貴妃枉教生處遠愁見摘來稀晚

一作

奪紅

一作江

霞色晴欺瘴日威南荒何所戀

一作慰

為

爾即忘歸

駐蹕華下同年司封員外從翁許共遊西溪久

違前契戲成寄贈

北渚牽吟興西溪爽共遊指期乘

一作承

禁馬

故事初入內庭恩賜

飛龍馬

無暇狎沙鷗縱目懷青島澄心想碧流明公非不

愛應待泛龍舟

谷自亂離

一作離亂

之後在西蜀半紀之餘多寓止

精舍與圓昉上人為淨侶昉公於長松山舊齋
嘗約他日訪會勞生多故遊宦數年曩契未諧
忽聞謝世愴吟四韻以弔之

每

一作幾

思聞淨話雨夜對禪牀未得重相見秋燈照影

堂孤雲終負約薄宦轉堪傷夢繞長江塔遙焚一炷香
投時相十韻

何以保孤危操修自

一作日

不知衆中常杜口夢裏亦吟


詩失計辭山早非才得仕

一事一作

遲薄冰安可履暗室豈

能欺勤苦流螢信吁嗟宿燕知殘鐘殘漏曉落葉落花
時故舊寒門少文章外族衰此生多轆軻半世足漂離
省署隨清品漁舟爽素期戀恩休未遂雙鬢漸成絲

御定全唐詩卷六百七十四



總校官庶吉士臣張能照

校對官檢討臣蕭九成

謄錄舉人臣張昱

欽定四庫全書薈要卷一萬八千八十

集部

御定全唐詩卷六百七十五

鄭谷

喜秀上人相訪

御定全唐詩

初開一徑師忽扣雙扉老大情相近林泉約共歸憂

榮棲省署孤僻謝一作負

一作朝衣他夜松堂宿論詩更入微

夕陽

夕陽秋更好歛斂

一作激

蕙蘭中極浦明殘雨長天急遠

鴻僧窗留半榻漁舸透踈蓬莫恨清光盡寒蟬即照空

搖落

夜來搖落悲桑棗半空枝故國無消息流年有亂離霜
秦聞雁早煙渭認帆遲日暮寒聲急邊軍在雍岐

西蜀淨衆寺松溪八韻兼寄小筆崔處士

松因溪得名溪吹答松聲繚繞能穿寺幽竒不在城寒
煙齋後散春雨夜中平染岸蒼苔古翹沙白鳥明澄分
僧影瘦光徹客心清帶梵侵雲響和鐘擊

一作
激

石鳴澹

烹新茗爽暖泛落花輕此景吟難盡憑君畫入京

遷客

離夜聞橫笛可堪吹鷓鴣雪冤知早晚雨泣渡江湖秋
樹吹黃葉臘煙垂綠蕪虞翻歸有日莫便哭窮途

蔡處士

無著復

一作更

無求平生不解愁鬻蔬貧潔淨

一作淨潔

中酒

病風流旨趣陶山相詩篇沈隱侯小齋江色裏籬柱繫
漁舟

予嘗有雪景一絕爲人所諷吟段贊善小筆精
微忽為圖畫以詩謝之

贊善賢相後家藏名畫多留心於繪素得事

一作意

在煙

波屬興同吟詠成功更琢磨愛予風雪句幽絕寫漁蓑

京兆府試殘月如新月

榮落何相似初終却一般猶疑和夕照誰信墮朝寒水

木輝華別詩家

一作情

比象難佳人應誤拜棲鳥反求安

屈指期輪滿何心謂

一作謂

影殘庾樓清賞處吟徹曙鐘

者

咸通十四年府試木向榮

題中
用韻

園林青氣動衆木散寒聲敗葉牆陰在滋條雪後榮
欣春令早藹藹日華輕庾嶺梅先覺隋堤柳暗驚山川
應物候臯壤起農情祇待花開日連棲出谷鶯

丞相孟夏祇薦南郊紀獻十韻

節應清和候郊宮事潔羞至誠聞上帝明德祀園丘雅
用陶匏器馨非黍稷流就陽陳盛禮匡國禱鴻休漸曉

蘭迎露微涼麥弄秋壽山橫紫閣瑞靄抱皇州外肅通

班序中嚴錫慶優

一作中懷
納警憂

奏

一作升

歌三酒備表敬百

神柔池碧將還鳳原清再問牛萬方瞻輔翼共賀贊皇

猷

叙事感恩上秋右丞

昔歲曾投贄關河在左馮庾公垂顧遇王粲許從容

年頊

庾給事崇出守同州右丞在
幕席谷退飛遊謁始受獎知

首薦叨殊禮全家寓近封

白樓陪寫望青眼感遭逢顧念梁間燕深憐澗底松嵐

光蓮嶽逼酒味菊花濃

同州官醞尚菊花酒

寇難旋移國漂離幾

聽蛩半生悲逆

一作道

旅二紀間門墉蜀雪隨僧蹋荆煙

逐雁衝凋零歸兩鬢舉止失前蹤得事雖甘晚陳詩未

肯慵邇來趨九仞又伴賞三峯

時大駕在華州

棲託情何限吹

噓意數重自茲儔侶內無復歎龍鍾

詠懷

迂疎雖可欺心路甚男兒薄宦渾無味平生粗有詩澹
交終不破孤達晚相宜直夜花前喚朝寒雪裏追

一作隨

竹聲輸我聽茶格共僧知景物還多感情懷偶不卑溪
鶯喧午寢山巖止春飢險事銷腸酒清歡敵手棋香鋤
拋藥圃一作煙艇憶莎陂自許亨途在儒網復振時

乾符丙申歲奉試春漲曲江池

用春字

王澤尚通津恩波此日新深疑一夜雨宛似五湖春泛
濫翹振鶯澄清躍紫鱗翠低孤嶼柳香失半汀蘋鳳輦
尋佳境龍舟命近臣桂花如入手願作從遊人

華山

峭仞聳巍巍晴嵐染近畿孤高不可狀圖寫盡應非絕
頂神仙會半空鸞鶴歸雲臺分遠靄樹谷隱斜暉墜石
連村響狂雷發廟威氣中寒涓澗影外白樓微雲對蓮
花落泉橫露掌飛乳懸危磴滑樵徹上方稀澹泊生真
趣逍遙息世機野花明澗路春蘚澀松圍遠洞時聞磬
羣僧晝掩扉他年洗塵骨香火願相依

入閣

祕閣臨軒日和鑿返正年兩班文武盛百辟羽儀全霜

漏清中禁風旗拂曙天門嚴新勘契

一作契勘仗使

入乍

一作通

承宣玉几當紅旭金鑪縱碧煙對揚稱法吏贊引

出宮鈿言動揮毫疾雍容執簿專壽山晴靉黠顥氣暖
連延禮有鴛鴦集思無雨露偏小臣叨備位歌詠泰階
前

故少師從翁隱巖別墅亂後榛蕪感舊愴懷遂
有追紀

風騷為主人凡俗仰清塵密行稱閨闈明誠動搢紳周

旋居顯重內外掌絲綸妙主蓬壺籍忠為社稷臣大儀

牆仞峻東轄紀綱新聞善常開口推公豈為身立朝鳴

珮重歸宅典衣貧半醉看花晚中餐煮菜春晴臺隨鹿

上幽墅

一作野

結

一作約

僧鄰理論知清越

清越江左詩僧孤卿待之甚厚

生徒得李頻藥香沾筆硯竹色染衣巾寄鶴眠雲叟騎

驢入室賓

咸通中舉子乘馬唯張喬跨驢喬詩苦道貞孤卿延於門下

近將姚監比

自姚秘監合主張風雅後孤卿一人而已

僻與段卿親

段少常成式與學辛勤章句入微孤卿為

前序葉積池邊路茶遲雪後薪所難留著述誰不秉陶鈞

喪亂時多變追思事已陳浮華重發作雅正甚湮淪宗

從今何在依棲素有因七松無影響

孤卿植小松七本自號七松處士異

代對五柳先生

雙淚益悲辛猶喜于門秀年來屈復伸

班即孤卿姪孫

登進士科級也

送吏

一作祠

部曹郎中免官南歸

高名向已求古韻古無儔風月拋蘭省江山復

一作向桂

州賢人知止足中歲便歸休雲鶴深相待公卿不易留

滿朝張祖席半路上仙舟篋重藏吳畫茶新換越甌郡

迎紅燭宴寺宿翠嵐樓觸目成幽興全家是勝遊
蓬聲
漁叟雨葦色鷺鷥秋久別郊園改將歸里巷修桑麻勝
祿食節序免鄉愁陽朔花迎權崇賢葉滿溝席春歡促
膝簷日暖梳一作扶頭道暢應為蝶一作虎時來必問牛終
須康庶品未爽一作許漱寒流議在歸羣望情難戀自由
小生誠淺拙早歲便依投夏課每垂獎雪天常見憂遠
招陪宿直首薦向公侯攀送偏揮灑龍鍾志未酌

迴鑿

妖星沈雨露和氣滿京闕上將忠勲立明君法駕還順
風調雅樂夾道序羣班香泛傳宣裏塵清指顧間樓臺
新紫氣雲物舊黃山曉渭行朝肅秋郊曠望間廟靈安
國步日角動天顏浩浩昇平曲流歌徹百蠻

峽中

萬重煙靄裏隱隱見夔州夜靜明月峽春寒堆雪樓獨
吟誰會解多病自淹留往事如今日聊同子美愁

蜀中寓止夏日自贍

展轉敲孤枕風幃信寂寥漲江垂
蟬竦驟雨鬧芭蕉道阻歸期
晚年加記性銷故人衰颯盡
相望在行朝

試筆偶書

沙鳥與山麋由來性不羈可憑
唯在一作有道難解莫過

詩任笑孤吟僻終嫌巧宦卑
乖慵思地恕冷澹好僧知
華省慙公器滄江負釣師
露花春直夜煙鼓早朝時
世路多艱梗家風免墜遺
殷勤一蓑雨祇得夢中披

奔避

奔避投入遠漂離易感恩愁髯霜颯颯病眼淚昏昏孤
館秋聲樹寒江落照村更聞歸路絕新寨截荆門

弔水部賈員外嵩

一本無嵩字

八韻與五字俱為時所先幽冤應自慰李白墓相連

貧女吟

塵壓鴛鴦廢錦機滿頭亂插麗春枝東鄰舞妓多金翠
笑翦燈花學畫眉

席上貽歌者

花月樓臺近九衢清歌一曲倒金壺座中亦有

一作江半是

南客莫向春風

一作尊前

唱鷓鴣

菊

王孫莫把比荆蒿九日枝枝近鬢毛露溼秋香滿池岸

由來不羨瓦

一作五

松高

下峽

憶子啼猿繞樹哀雨隨孤櫂過陽臺波頭未白人頭白
瞥見春風灑瀨堆

文昌寓直

何遜空堦夜雨平朝來交直雨新晴落花亂上

一作花

塙上不忍和苔蹋紫英

街西晚歸

御溝春水繞閒坊信馬歸來傍短牆幽榭名園臨紫陌
晚風時帶牡丹香

十日

一作月

菊

節去蜂

一作風

愁蝶不知曉庭

一作來

還繞折殘枝自綠今

日人心別未必秋香一夜衰

鷺鷥

閒立春塘

一作
荻

煙澹澹靜眠寒葦雨颼颼漁翁歸後汀

沙

一作沙汀
又作江洲

晚飛下

一作
上

灘頭更自由

柳

半煙半雨江

一作
溪

橋畔映杏映桃山路中會得離人無

限意千絲萬絮惹春風

下第退居二首

年來還未上丹梯且

一作正

著漁蓑謝故溪落盡梨花春

又了破籬殘雨晚鶯啼

未嘗青杏出長安豪士應疑怕牡丹祇有退耕耕不得

茫

一作默

然村落水吹殘

江宿聞蘆管

商船小童善吹

塞

一作寒

曲淒清

一作涼

楚水濱聲聲吹出落梅春須知風

月千檣下亦有葫蘆河畔人

閒題

舉世何人肯自知
須逢精鑑定妍媸
若教嫫母臨明鏡
也道不勞紅粉施

曲江春草

花落江堤簇暖

一作晚

煙雨餘草

一作江
又作山

色遠相連香輪

莫輟青青破留與愁

一作遊

人一醉眠

雪中偶題

亂飄僧舍茶煙溼
密灑歌

一作高

樓酒力微江上晚來堪

畫處漁人披得一蓑歸

題慈恩寺默公院

雖近曲江居古寺，舊山終憶九華峯。
春來老病厭迎送，翦却牡丹栽野松。

江上阻風

水天春暗暮寒濃，船閉篷窗細雨中。
聞道漁家酒初熟，夜來翻喜打頭風。

淮上與友人別

揚子江頭楊柳春，楊花愁殺渡江人。
數聲風笛離亭晚。

君向瀟湘我向秦

忍公小軒二首

一本題上有西
蜀淨衆寺五字

松溪水色綠於松
每到松溪到暮鐘
閒得心源祇如此
問禪何必向雙峯

舊遊前事半埃塵
多向林中結淨因
一念一爐香火裏
後身唯願似師身

淮上漁者

白頭波上白頭翁
家逐船移浦浦風
一尺鱸魚新釣得

兒孫吹火荻花中

興州江館

向蜀還秦計未成
寒蛩一夜繞牀鳴
愁眠不穩孤燈盡
坐聽嘉陵江水聲

題無本上人小齋

寒寺唯應我訪師
人稀境靜雪銷遲
竹西落照侵窗好
堪惜歸時落照時

七祖院小山

一本題上有西蜀淨衆寺五字

小巧功成雨蘚斑
軒車日日扣松關
峩嶠咫尺無人去
却向僧窗看假山

定水寺行香

聽經

一作松

看畫繞虛廊
風拂金鑪待賜香
丞相未來春

雪密暫偷閒
臥老僧牀

浯溪

湛湛清江疊疊山
白雲白鳥在其間
漁翁醉睡又醒睡
誰道皇天最惜閒

悶題

莫厭九衢塵土間
秋晴滿眼是南山
僧家未必全無事
道著訪僧心且閒

重訪黃神谷策禪者

初塵芸閣辭

一作來

禪閣却訪支郎是
老郎我趣轉卑師

趣靜數峯秋雪一
鑪香

別修覺寺無本上人

松上閒雲石上苔
自嫌歸去夕陽催
山門握手無他語

祇約今冬看雪來

贈日東鑒禪師

故國無心渡海潮
老禪方丈倚中條
夜深雨絕松堂靜
一點山螢照寂寥

傳經院壁畫松

一本題上有西蜀淨衆寺五字

危根瘦盡聳孤峯
珍重江僧好筆蹤
得向遊人多處畫
却勝澗底作真松

高蟾先輩以詩筆相示杼成寄酬

張生故國三千里知者唯應杜紫微

杜牧舍人贈張祐處士云可憐故國

三千里虛唱
歌詞滿六宮

君有君恩秋後葉可能更羨謝玄暉

蟾有後宮

詞云君恩秋後
葉日日向人踈

爲人題

淚溼孤鸞曉鏡昏近來方解惜青春
杏花楊柳年年好不
不忍迴看舊寫真

越鳥

背一作宿霜南雁不到處倚櫂北人初聽時
梅雨滿江春

草歇一聲聲在荔枝枝

黃鶯

春雲薄薄

一作
澹澹

日輝輝宮樹煙深隔水飛應為能歌繫

仙籍麻姑乞與女真衣

失鷺鷥

野格由來倦小池驚飛却下碧江涯月昏風急何處宿

一作宿
何處

秋岸蕭蕭黃葦枝

苔錢

春紅秋紫繞池臺
箇箇圓如濟世財
雨後無端滿窮巷
買花不得買愁來

蓮葉

移舟水濺差差綠
倚檻風搖柄柄香
多謝浣溪一作紗人

不一作未
一作莫折雨中留得蓋鴛鴦

蜀中賞海棠

濃澹芳春滿蜀鄉
半隨風雨斷鶯一作人
腸浣花溪上堪

惆悵子美無心一作情為發揚
杜工部居西蜀詩
集中無海棠之題

投所知

砌下芝蘭新滿徑，門前桃李舊垂陰。
却應迴念江邊草，放出春煙一寸心。

早入諫院二首

玉階春冷未催班，暫拂塵衣就

一作枕

笏眠。孤立小心還

自笑，夢魂潛繞御鑪煙。

紫雲重疊抱春城，廊下人稀唱漏聲。
偷得微吟斜倚柱，滿衣花露聽宮鶯。

忝官諫垣明日轉對

吾君英睿相君賢其邦

一作奈

寰區未晏然明日翠華春

殿下不知何語可聞天

再經南陽

平蕪漠漠失樓臺昔日遊人亂後來
寥落牆匡春欲暮
燒殘官樹有花開

贈下第舉公

見君失意我惆悵記得當年落第情
出去無慘歸又悶

花一作苑

南慢打講鐘聲

春陰

推一作搗

琴當酒度春陰不解謀生祇解吟舞蝶歌鶯莫

相試

一作諧

老郎心是老僧心

送張逸人

人間踈散更無人浪兀

一作泛

孤舟酒兀身蘆筍鱸魚拋

不得五陵珍重五湖春

初還京師寓止府署偶題屋壁

秋光不見舊亭臺四顧荒涼瓦礫堆火力不能銷

一作燒

地力亂前黃菊眼前開

擢第後入蜀經羅村路見海棠盛開偶有題詠

上國休誇紅杏艷

同豔一作絕

深溪自照綠苔磯一枝低帶

流鶯睡數片狂和舞蝶飛堪恨路長移不得可無人與
畫將歸手中已有新春桂多謝煙香更入一作惹衣

次韻和禮部盧侍郎

一作郎中一本又多一極字

江上秋夕

寓懷

盧一作望

郎到處覺風生蜀郡留連亞相情

時中儀在瀘州思門大夫

待遇優厚

亂後江山悲庾信夜來煙月屬袁宏夢歸蘭省寒

星動吟向莎洲宿鷺

一作鳥

鷺未脫白衣頭半白叨陪屬

和倍為榮

宜春再訪芳公言公幽齋寫懷叙事因賦長言

入門長恐先師在香印紗燈似昔年澗路縈迴齋處遠
松堂虛豁講聲圓頃為弟子曾同社今忝星郎更契緣
顧渚一甌春有味中林話舊亦潸然

讀李白集

何事文星與酒星一時鍾在

一作分付

李先生高吟大醉三

千首留著人間伴月明

卷末偶題三首

一卷疎蕪一百篇名成未敢暫

一作便

忘筌何如海日生

殘夜一句能令萬古傳

七歲待行湖外去岳陽樓上敢題詩如今寒晚無功業
何以勝任國士知

一第由來是出身垂名俱一作須為國風陳此生若不知

騷雅孤宦如何一作何由作近臣

讀前集二首

殷璠裁鑒英靈集頗覺同才得旨

一作契

深何事後來高

仲武品題間氣未公心

風騷如線不勝悲國步多艱即此時愛日滿塔看古集
祇應陶集是吾師

渚宮亂後作

鄉人來話亂離情
淚滴殘陽問楚荆
白社已應無故老

清江依舊繞空

一作孤

城高秋軍旅齊
山樹昔日漁家是

一作盡

野營牢落故居
灰燼後黃花紫

一作綠

蔓上牆生

鷓鴣

谷以此詩得名
時號為鄭鷓鴣

暖戲煙蕪錦翼齊
品流應得近山雞
雨昏青草湖邊過

花落黃陵廟裏啼
遊子乍聞征袖溼
佳人纔唱翠眉低

相呼相應

一作真

湘江濶

一作遠
又作曲

苦竹叢深春日西

燕

年去年來來去忙春寒煙暝渡瀟湘
低飛綠岸和梅雨
亂入紅樓揀杏梁
間几硯中窺水淺
落花徑裏得泥香
千言萬語無人會
又逐流鶯過短牆

侯家鷓鴣

江天梅雨溼江籬
到處煙香是此時
苦竹嶺無歸去日
海棠花落舊樓枝
春宵思極蘭燈暗
曉月啼多錦幕垂
唯有佳人憶南國
殷勤為爾唱愁詞

雁

八月悲風九月霜
蓼花紅澹葦條黃
石頭城下波搖影
星子灣西雲間行
驚散漁家吹短笛
失羣征戍鎖殘陽
故鄉聞爾亦惆悵
何況扁舟非故鄉

水

西蜀淨衆寺五題

竹院松廊分數派
不一作晴空清泚亦逶迤
落花相逐去

一作向

何處幽鷺

一作鳥

獨來無限時
洗鉢老僧臨岸久
釣

魚閒客捲綸
遲晚晴一作來
一片連莎綠
悔與滄浪有舊

期

海棠

春風用意勻顏色銷得攜觴與賦詩穠麗最宜新著雨
嬌饒全在欲開時莫愁粉黛臨窗嬾梁廣丹青點筆遲
朝醉暮吟看不足羨他蝴蝶宿深枝

竹

宜煙宜雨又宜風拂水藏村復間松移得蕭騷從遠寺
洗來踈淨見前峰侵堦蘚拆春芽迸繞徑莎微夏蔭濃
無賴杏花多意緒數枝穿翠好相容

荔枝樹

二京曾見畫圖中數本芳菲色不同孤擢今來巴徼外
一枝煙雨思無窮夜郎城近含香瘴杜宇巢低起暝風
腸斷渝瀘霜霰薄不教葉似灞陵紅

錦二首

布素豪家定不看若無文一作花彩入時難紅迷天子帆

邊日紫奪星郎帳外山春水濯來雲雁活夜機挑處雨

燈寒舞衣轉轉求新樣不問流一作亂離桑柘殘

文君手裏曙霞生，美號仍聞借蜀城。
奪得始知袍更貴，著歸方覺畫偏榮。
宮花顏色開時麗，池雁毛衣浴後明。
禮部郎官人所重，省中別占好窠名。

蠟燭

仙漏遲遲出建章，宮簾不動透清光。
金闈露白新裁詔，畫閣春紅正試妝。
淚滴杯盤何所恨，燼飄蘭麝暗和香。
多情更有分明處，照得歌塵下燕梁。

燈

雨向莎階滴未休
冷光孤恨兩悠悠
船中聞雁洞庭宿
牀下有蛩長信秋
背照翠簾新灑別
不挑紅燼正含愁
蕭騷寒竹南窗靜
一局閒棋為爾留

宗人作尉唐昌官署幽勝而又博學精富得以
言談將欲他之留書屋壁

公堂瀟灑有林泉
祇隔苔牆是渚田
宗黨相親離亂世
春秋閒論戰爭年
遠江鷺鷥來池口
絕頂歸雲過竹邊
風雨夜長同一宿
舊遊多共憶樊川

爲戶部李郎中與令季端公寓止渠州江寺偶

作寄獻

退居瀟灑寄禪關高挂朝簪淨室間孤島雖

一作
警

留雙

鶴歇五雲爭放二龍間輕舟共泛花邊水野屐同登竹
外山仙署金闈虛位久夜清應夢近天顏

重陽日訪元秀上人

紅葉黃花秋景寬醉吟朝夕在樊川却嫌今日登山俗
且共高僧對榻眠別畫長懷吳寺壁宜茶偏賞雪溪泉

歸來童稚爭相笑
何事無人與酒船

御定全唐詩卷六百七十五

欽定四庫全書薈要卷一萬八千八十一

集部

御定全唐詩卷六百七十六

鄭谷

闕下春日

建章宮殿紫雲飄
春漏遲遲下絳霄
綺陌暖風嘶去馬
粉廊初日照趨朝
花經宿雨香難拾
鶯在豪家語更嬌
秦楚年年有離別
揚鞭揮袖灞陵橋

贈劉神童

六歲及第

習讀在前生僧談足可明還家雖解喜登第未知榮時

果曾霑賜

上名於便殿親試稱旨賜以果實

春闈不挂情燈前猶惡睡

寤

一作寐

語讀書聲

遠遊

江湖猶足事食宿戍輦喧久客秋風起孤舟夜浪翻鄉
音離楚水廟貌入湘源岸濶鳧鷖驚小林垂橘柚繁津官
來有意漁者笑無言早晚酬僧約中條有藥園

光化戊午年舉公見示省試春草碧色詩偶賦

是題

萇引血染新含露滿江濱想得尋花徑應迷拾翠人窗
紗迎擁砌簪玉妬成茵天借新晴色雲饒落日春嵐光
垂處合着黛看時頻願與仙桃比無令惹路塵

江際

杳杳漁舟破暝煙疎疎蘆葦舊江天那堪流落逢搖落
可得一作謂潜然是偶然萬頃白波迷宿鷺一林黃葉送

殘

一作寒
又作秋

蟬兵車未息年華促早晚閒吟向滄川

將之瀘郡旅次遂州遇裴晤員外謫居於此話
舊淒涼因寄二首

誰解登高問上玄謫仙

一作官

何事謫詩仙雲遮列宿離

華省樹蔭澄江入野船黃鳥晚啼愁瘴雨青梅早落中
蠻煙不知幾首南行曲留與巴兒萬古傳

昔年共照松溪影松折溪荒僧已無今日重

一作同

思錦

城事雪銷

一作鋪

花謝夢何殊亂離未定身俱老騷雅全

休道甚孤我拜師門更南去荔枝春熟向渝瀘

次韻和秀上人長安寺居言懷寄渚宮禪者

舊齋松老別多年香

一作蓮
又作鄉

社人稀喪

一作離

亂間出寺

祇知趨內殿閉門長似在深山臥聽秦樹

一作句

秋鐘斷

吟想荆江夕鳥還唯恐興來飛錫去
老郎無路更追攀

蜀中春日

一作雨

海棠風外獨霑巾襟袖無端惹蜀塵
和暖又逢挑菜日

寂寥未是探花人不嫌蟻酒衝愁肺
却憶漁蓑覆病身

何事晚來微雨後

一作過

錦江春學

一作似

曲江春

遊蜀

一作蜀
中春暮

所向

一作
到處

明知是暗投
兩行清淚語前流
雲橫新塞遮

秦甸

一作
水

花落空山入閬州
不忿黃鸝驚曉夢
唯應杜

宇信

一作
起

春愁梅黃麥綠無歸處
可得漂漂愛浪遊

峽中嘗茶

簇簇新英摘露光
小江園裏火煎嘗
吳僧漫說鴉山好

蜀叟

一作
客

休誇鳥嘴香合

一作
入

座半甌輕泛綠
開緘數

片淺含黃鹿
門病客不歸去
酒渴更知春味長

輦下冬暮詠懷

永巷閒吟一徑蒿，輕肥大笑事風騷。
煙含紫禁花期近，雪滿長安酒價高。
失路漸驚前計錯，逢僧更念此生勞。
十年春淚催衰颯，羞向清流照鬢毛。

初稿附記 夏句
干名祇自勞苦吟

殊未補風騷煙闌水國花期近雪滿長安酒價高舊業
已荒青藜遲寒江空憶白雲壽不知春到情何限惟恐
流年損鬢毛

石城

石城昔為莫愁鄉，莫愁魂散石城荒。
江人依舊棹舴艋。

江岸還飛雙鴛鴦
帆去帆來風浩渺
花開花落春悲涼
煙濃草遠望不盡
千古漢陽閒夕陽

蜀中三首

馬頭春向鹿頭關
遠樹平蕪一望閒
雪下文君沽酒市
雲藏李白讀書山
江樓客恨黃梅後
村落人歌紫芋間
堤月橋燈好時景
漢庭無事不征蠻

夜無多

一作多無

雨曉生塵草
色嵐光日日新
蒙頂茶畦千

點露浣花牋
紙一溪春揚雄
宅在唯喬木
杜甫臺荒絕

舊鄰却共海棠花有約數年留滯不歸人

渚遠江清碧簾紋小桃花繞薛濤墳朱橋直指金門路

粉堞高連玉壘雲窗下斷琴翹鳳足波中濯錦散鷗羣

子規夜夜啼巴樹一作蜀不並吳鄉楚國聞

少華甘露寺

石門蘿徑與天鄰雨檜風篁遠近聞飲澗鹿喧雙泝水

上樓一作登山僧蹋一梯雲孤煙薄暮闕城沒遠色初晴滑

曲分長欲一作憶然香來此宿北林猿鶴舊同羣

慈恩寺偶題

往事悠悠添浩歎，勞生擾擾竟何能。
故山歲晚不歸去，高塔晴來獨自登。
林下聽經秋苑一作院，鹿江邊掃葉夕陽僧。
吟餘却起雙峰念，曾看菴西瀑布冰。

石門山泉

一脈清泠何所之，縈莎漱蘚入僧池。
雲邊野客窮來處，石上寒猿見落時。
聚沫繞崖一作崖，殘雪在迸流穿樹墮。
花隨煙春雨晚間，吟去不復遠尋皇子陂。

渭陽樓間望

千重二華見皇州望盡凝嵐即此樓
細雨不藏秦樹色

夕陽空照渭河流後車寧見前車覆
今日難忘昨

一作昔

日憂擾擾塵中猶

一作殊

未已可能疏傳獨能休

送田

一作沈

光

九陌低迷誰問我五湖流浪可悲君
著書笑破蘇司業
賦詠思齊鄭廣文理掉好攜三百首
阻風須飲幾千分
耒陽江口春山綠慟哭應尋杜甫墳

送進士吳延保及第後南遊

得意却思尋舊迹新銜未切

一作得

向

一作上

蘭臺吟看秋

草出闕去逢見故人隨計來勝地昔年詩板在清歌幾

處郡筵開江湖易有淹留興莫待春風落

一作一作吹

庾

一作

瘦梅

送進士王駕下第歸蒲中

時行朝在西蜀

失意離愁春不知到家時是落花時孤單取事休言命

早晚逢人苦愛詩度塞風沙歸路遠傍河桑柘舊居移

應嗟我又巴江去遊子悠悠聽子規

作尉鄆郊送進士潘爲下第南歸

一本無題
上四字

歸去宜春春水深
麥秋梅雨過
相陰鄉園幾度經
狂寇桑柘誰家有
舊林結綬位卑甘
晚達登龍心在且
高吟灞陵橋上楊
花裏酒滿芳樽淚
滿襟

送進士韋序赴舉

丹霞照上三清路
瑞錦裁成五色毫
波浪不能隨

一作
傾

世態鸞凰應得入
吾曹秋山晚水吟
情遠雪竹風松醉

格高預想明年騰躍處龍津春碧浸仙桃

寄獻狄右丞

逐勝偷閒向杜陵愛僧不愛紫衣僧身為醉客思吟客
官自中丞拜右丞殘月露垂朝闕蓋落花風動宿齋燈
孤單小諫漁舟在心戀清潭去未能

轉正郎後寄獻集賢相公

予一作千名初在德門前屈指年來三十年自賀孤危終

際會別將流涕感階緣止陪鴛鷺居清秩濫應星辰冕

上玄平昔苦心何

一作無

所恨受恩多是舊詩篇

所知從事近藩偶有懷寄

官舍種莎僧對榻生涯如在舊山貧
酒醒草檄聞殘漏
花落移厨送晚春
水墨畫松清睡眼
雲霞仙斝挂吟身
霜臺伏首思歸切
莫把漁竿逐逸人

獻大京兆薛常侍能

一本無能字

耻將官業

一作職

競前途自愛篇章古
不如一炷香新開

道院數坊人聚

一作靜

避朝車縱遊藉草花
垂酒間臥臨

窗燕拂書唯有明公賞
新句秋風不敢憶鱸魚

寄贈孫路處士

平生詩譽更誰過
歸老東吳命若何
知己凋零垂白髮
故園寥落近滄波
酒醒蘚砌花陰轉
病起漁舟鷺跡多
深入富春人不見
閒門空掩半庭莎

獻制誥楊舍人

為郡東吳祇飲冰
瑣闥頻降鳳

一作詔

書徵隨行已有朱

衣吏伴直多招紫閣僧
窗下調琴鳴遠水
簾前睡鶴背

秋燈葦陂竹塢情無限閒話一作昆陵問杜陵

次韻酬張補闕因寒食見寄之什

柳近清明翠縷長多情右袞不相忘開緘雖覩新篇麗

破鼻須聞冷酒香時態嬾

一作頗

隨人上下花心甘

一作日

被蝶分張朝稀且莫輕春賞勝事由來在帝鄉

贈宗人前公安宰君

喧卑從宦出喧卑別畫能琴又解棊海上春耕因亂廢
年來冬薦得官遲風中夜犬驚槐巷月下寒驢齒槿籬

孤散恨無推唱路耿懷吟得贈君詩

寄贈楊夔處士

結茅秖

一作依

約釣魚臺濺水鷓鴣去又迴春臥甕邊聽

酒熟露吟庭際待花開三

一作吳

江勝景遨遊徧百氏羣

書講貫

一作論

來國步未安風雅薄可能高尚挾天才

寄同年禮部趙郎中

仙步徐徐整羽衣小儀澄澹轉中儀樺

一作花

飄紅燼趨

朝路蘭縱清香宿省時彩筆煙霞供不足綸

一作粉

闈鸞

鳳訝來遲自憐孤宦誰相念
禱祝空吟一作一首詩

春暮詠懷寄集賢韋起居袞

寂寂風簾信自垂
楊花筍籜正離披
長安一夜殘春雨
右省三年老拾遺
坐看羣賢爭得路
退量孤分且吟詩
五湖煙網非無意
未去難忘國士知

多情

賦分多情却自嗟
蕭衰未必為年華
睡輕可忍風敲竹
飲散那堪月在花
薄宦因循拋峴首
故人流落向天涯

鶯春鴈夜長如此賴是幽居近酒家

感懷投時相

非才偶忝直文昌兩鬢年深一鏡霜待漏敢辭稱小吏
立班猶未出中行孤吟馬跡拋槐陌遠夢漁竿擲葦鄉
丞相舊知為一作非學苦更教何處貢篇章

自貽

飲筵博席與心違野眺春吟更是誰琴有澗風聲轉澹
詩無僧字格還卑恨拋水國荷一作鈞蓑雨貧過長安櫻

筍時頭角俊

一作英

鬣應指笑權門蹤跡獨差池

自遣

強健

一作事

宦途何足謂入微章句更難論誰知野性真

天性不扣權門扣道門窺硯晚鶯臨砌樹迸堦春筍隔

籬根朝迴何處消長日紫閣峰南有

一作省

舊村

中年

漠漠秦雲澹澹天新年景象入中年情多最恨花無語

愁破方知酒有權苔色滿牆尋

一作思

故第雨聲一夜憶

春田衰遲自喜添詩學更把前題改數聯

自適

紫陌奔馳不暫停送迎終日在郊垆年來鬢畔未垂白
雨後江頭且蹋青浮蟻滿盃難暫捨貫珠一曲莫辭聽
春風祇有九十日可合花前半日醒

結綬鄩郊縻攝府署偶有自詠

鶯離寒谷士

一作七

逢春釋褐來年暫種芸自笑老為梅

少府可堪貧攝鮑參軍酒醒往事多興念吟苦鄰居必

厭聞推却簿書搔短髮落花飛絮正紛紛

漂泊

槿墜蓬

蓮一作

踈池館清日光風緒澹無情鱸魚斫鱠輸

張翰橘樹呼奴羨李衡十口漂零猶寄食兩川消息未

休兵黃花催促重陽近

酒一作

何處登高望二京

弔故禮部韋員外序

一本無序字

臘雪初晴共舉盃便期攜手上春臺高情唯怕酒不滿
長逝可悲花正開曉奠鶯啼殘漏在風幃燕覓舊巢來

杜陵芳草年年綠醉魄吟魂無復迴

羨陂

昔事東流共不迴春深獨向羨陂來亂前別業依稀在
雨裏繁一作梨花寂寞開却展漁絲無野艇舊題詩句沒
蒼苔潛然四顧難消遣祇有佯狂泥酒盃

代秋扇詞

露入庭蕪恨已深熱時天下是知音汗流浹

一作洽

背曾

一作普

施力

一作手

氣爽中宵便負心一片山溪從蠹損數

行文字任塵侵綠槐陰合清和後不會何顏又見尋

宣義里舍冬暮自貽

幽居不稱在長安溝淺浮春岸雪殘板屋漸移方帶野
水車新入夜添寒名如有分終須立道若離心豈易寬
滿眼塵埃馳騫去獨尋烟竹翦漁竿

省中偶作

三轉郎曹自勉旃莎階吟步想前賢未如何遜無佳句
若比馮唐是壯年捧制名題黃紙尾約僧心在白雲邊

乳毛松雪春來好
直夜清閒且學禪

同志顧雲下第出京偶有寄勉

鳳策聯華是國華

顧雲著述目
為鳳策聯華

春來偶未上仙槎
鄉連

南渡思菰米
淚滴東風避杏花
吟聒暮鶯歸廟院
睡消
遲日寄僧家
一般情緒應相信
門靜莎深樹影斜

敷溪高士

敷溪南岸掩柴荆
挂却朝衣愛淨

一作
靜

名間得林園
栽

樹法喜聞兒姪讀書聲
眠窗日暖添幽夢
步野風清散

酒醒謫去徵還何擾擾片雲相伴者衰榮

九日偶懷寄左省張起居

令節爭歡我獨閒荒臺盡日向晴山
渾無酒泛金英菊

漫道官趨玉筍班深愧青莎迎野步
不堪紅葉照衰顏

羨君官重多吟興醉帶南陂

一作天陂

落照還

春夕

一作日

伴同年禮部趙員外省直

錦帳名郎重錦科

一作窠

清宵寓直縱吟哦冰含玉鏡春

寒在粉傅

一作柳轉

仙闈月色多視草即應歸屬望握蘭知

道暫經過流鶯百轉和殘漏猶把芳樽藉露莎

倦客

十年五年岐路中千里萬里西復東匹馬愁衝晚

一作晚

村雪孤舟悶阻春江風達士由來知道在昔賢何必哭

途窮閒烹蘆筍炊菰米會向源

一作漁

鄉作醉翁

溫處士能畫鷺鷥以四韻換之

昔年吟醉繞江離愛把漁竿伴鷺鷥聞說小毫能縱逸

敢憑輕素寫幽竒涓涓浪濺殘菱蔓夏夏風搜

一作披

折

葦枝得向曉窗閒挂翫雪蓑煙艇恨無遺

駕部鄭郎中三十八丈

一作大

尹貳東周榮加金

紫谷以末泝之外思舊事深因賀送

香浮玉陸曉辭天袍拂蒲葦稱少年郎署轉曹雖久次
京河亞尹是優賢縱遊雲水無公事貴買琴書有俸錢
今日龍門看松雪探春明日向平泉

敬枕

敬枕高眠日午春酒酣睡足最閒身明朝會得窮通理

未必輸他馬上人

野步

翠嵐迎步興何長
笑領漁翁入醉鄉
日暮渚田微雨後
鷺鷥閒暇稻花香

偶書

承時偷喜負明神
務實那能得庇身
不會蒼蒼主何事
忍飢多是力耕人

靜吟

騷雅荒涼我未一作自安月和餘雪夜吟寒相門相客應
相笑得句勝於得好官

和知己秋日傷懷

流水歌聲共不迴去年天氣舊亭臺梁塵寂寞燕歸去
黃蜀葵花一朵開

谷比

一作

歲受同年丈人故川守李侍郎教諭

衰晏龍鍾益用感歎遂以章句自貽

多感京河李丈人童蒙受教便書紳文章至竟無功業

名宦由來致苦辛
皎日還應知守道
平生自信解甘貧
孤單所得皆逾分
歸種敷溪一畝春

郊墅

韋曲樊川雨半晴
竹莊花院徧題名
畫成煙景垂楊色
滴破春愁壓酒聲
滿野紅塵誰得路
連天紫閣獨關情
羨陂水色澄於鏡
何必滄浪始濯纓

舟行

九派迢迢九月殘
舟人相語且相寬
村逢好處嫌風便

酒到醒來覺夜寒

水一作

白波喧夏口

落日一作

柿園紅

葉憶長安季鷹可是思鱸膾引退知時自古

一作自
知時所難

奔問三峰寓止近墅

半年奔走頗驚魂來謁行宮淚眼昏
鴛鴦入朝同待漏
牛羊送日獨歸村
灞陵散失詩千首
太華淒涼酒一樽
兵革未休無異術不知何以受君恩

朝直

朝直叨居省閣間
由來踈退校安閒
落花夜靜宮中漏

微雨春寒廊下班自扣玄門齊寵辱從他榮路用機關
孤峰未得深歸去名畫偏求水墨山

巴江

時僖宗省
方南梁

亂來奔走巴江濱愁客多於江徼人朝醉暮醉雪開霽
一枝兩枝梅探春詔書罪已方哀痛鄉縣徵兵尚苦辛
鬢禿又驚逢獻歲眼前渾不見交親

故許昌薛尚書能嘗爲都官郎中後數歲故建
州李員外頻自憲府內彈拜都官員外八座外

郎皆一時騷雅宗師則都官之曹振盛於此子
早年請益實受深知今忝此官復是正秩豈唯
俯慰孤宦何以仰繼前賢榮煬在裘遂賦自賀

都官雖未是名郎踐歷曾聞薛許昌復有李公陪雅躅
豈宜鄭子忝餘光榮為後進趨蘭署喜拂前題在粉牆

八座外郎於省
中題記多在

他日節旄如可繼不嫌曹冷在中行

訪題表兄王藻渭上別業

一作
墅

桑林搖落渭川西蓼水瀰瀰接稻泥幽檻靜來漁唱遠

暝天寒極鴈行低，濁醪最稱看山醉。
冷句偏宜選竹題，中表人稀離亂後。
花時莫惜重相攜。

題汝州從事廳

詩人公署如山舍，祇向堦前便採薇。
驚燕拂簾閒睡覺，落花沾硯會餐歸。
壁看舊記官多達，榜挂明文吏莫違。
自說小池栽葦後，雨涼頻見鷺鷥飛。

谷初忝諫垣，今憲長薛公。方在西閣，知獎隆異。
以四韻代述榮感。

舊詩常得在高吟，不奈公心愛苦心。道自瑣闈言下振，

舍人於闈下衆中

思從仙殿對迴深

谷累陪舍人轉對
偶免乖儀舍人深

獎歎頃年篇什

以知 流年漸覺霜欺鬢，至藥能教土化金。自拂青萍知

有地齋誠旦夕望，為霖

兵部盧郎中光濟借示詩集以四韻謝之

一本
題中

無光濟

二字

七 一作

子風騷尋失主五

一作
吾

君歌誦久無聲，調和雅

樂歸時正澄瀘，顏波到底清。才大始知寰宇窄，吟高何

止鬼神驚葉公好尚渾踈濶忽見真龍幾喪明

賀左省新除韋拾遺

初昇諫署是真仙浪透桃花恰一作五年垂白郎官居

座末著緋人吏立階前百寮班列趨丹陛兩掖風清上碧天從此追飛何處去金鑾殿與玉堂連

右省張補闕茂樞同在諫垣連居光德新春賦

詠聊以寄懷

小梅零落雪欺殘浩蕩窮愁豈易寬唯有朗吟償晚景

且無濃醉

一作酒

厭

一作壓

春寒高齋每喜追攀近麗句先

憂屬和難十五年前語

一作諧

苦節知心不獨為同官

右省補闕張茂樞同在諫垣鄰居光德迭和篇

什未嘗間時忽見貽謂谷將來履歷必在文昌

當與何水部宋考功為儔谷雖賦於風雅實用

兢惶因抒酬寄

何宋清名動粉闈不才今日偶陳詩考功豈敢聞題品
水部猶須繫挈維積雪巷深酬唱夜落花牆隔笑言時

紫垣名士推揚切為話心孤倍感知

紫微薛公獎譽頗深補衮即紫微中

表嘗傳重旨

故有此句

寄職方李員外

曾袖篇章謁長卿今來附鳳事何榮
星臨南省陪仙步

春滿東朝接珮聲

員外攝事儲官谷忝獲攀接

談笑不拘先後禮歲

寒仍契子孫情龍墀仗下天街暖
共看圭峰並馬行

寄題詩僧秀公

靈一心傳清塞心可公吟後楚公吟
近來雅道相親少

唯仰吾師所得深，好句未停無暇日。
舊山歸老有東林，吟曹孤宦甘寥落。
多謝攜筇數訪尋。

東蜀春晚

如此浮生更別離，
可堪長慟送春歸。
潼江水上楊花雪，
剛逐孤舟繚繞飛。

永日有懷

能消永日是擣菹，
坑塹由來似宦途。
兩擲未終一作離，
捷一作捷。

檝一作捷檝一作捷內座中何一作可惜為呼盧。

槐花

麩麩金蕊撲晴空舉子魂驚落照中今日老郎猶有恨

昔年相虐

一作雜
又作戲

十秋風

小桃

和煙和雨遮敷水映竹映村連灞橋

一作陵

撩

一作掩

亂

一作

弄春風耐寒令到頭贏得杏花嬌

一作憎

長江縣經賈島墓

水繞荒墳縣路斜耕人訝我久咨嗟重來兼恐無尋處

落日

一作日落

風吹鼓子花

嘉陵

細雨溼萋萋人稀江日西
春愁腸已斷不在

一作待

子規

啼

中秋

清香聞曉蓮水國雨餘天
天氣正得所客心剛悄然
亂兵何日息故老幾人全
此際難消遣從來未學禪

朝謁

捧日整朝簪，千官一片心。
班趨黃道急，殿接一作紫宸。

深威鳳迴香，辰新鶯囀上林。
小松含瑞露，春翠易成陰。

武德殿前

新栽小松

錦浦

流落夜淒淒，春寒錦浦西。
不甘花逐水，可惜雪成泥。
病

眼嫌燈近，離腸賴酒迷。
憑君囑鴉鳩，一作鴉鳩莫向五更啼。

峨嵋山

一作雪

萬仞白雲端，經春雪未殘。
夏消江峽滿，晴照蜀樓寒。
造

境知僧熟歸林認鶴難會須朝一作闕去祇有畫圖者

蜀江有弔

僖宗幸蜀時田令孜用事左拾遺孟昭圖疏論之令孜矯貶嘉州司戶使

人沈之墓頭津

事見令孜傳

孟子有良策惜哉今已而徒將心體國不識道消時折
檻未為切沈湘何足悲蒼蒼無問處煙雨徧江籬

書村叟壁

草肥朝牧牛桑綠晚鳴鳩列岫簷前見清泉碓下流春
蔬和雨割杜酒向花籬引我南陂去一作籬邊有小舟

題進士王駕郊居

前山微有雨，永巷淨無塵。
牛卧籬陰晚，鳩鳴村意春。
時浮應寡合，道在不嫌貧。
後徑臨陂水，菰蒲是切鄰。

題莊嚴寺休公院

秋深庭色好，紅葉間青松。
病客殊無著，吾師甚見容。
踈鐘和細溜，高孤一作塔等遙峰。
未省求名侶，頻於此地逢。

題興善寺

寺在帝城陰，清虛勝二林。
蘚侵隋畫暗，茶助越甌深。
巢

鶴和鐘唳詩僧倚錫吟煙莎後池水前跡杳難尋

十才子詩

集多有興善寺後池之作
今寺在池無每用追歎

宿澄泉蘭若

山半古招提空林雪月迷亂流分石上斜漢在松西雲

集寒菴宿猿先曉磬啼此心如了了

一作到

此是曹溪

送舉子下第東歸

夫子道何孤青雲未得途詩書難捨魯山水暫遊吳野
綠梅陰重江春浪勢麤秣陵兵役後舊業半成蕪

寄察院李侍御文炬

古柏間疎

一作松

篁清陰在印牀宿郊虔點饌秋寺靜監

香參集行多揖

一作攝

風儀見即莊佇聞橫擘

一作臂

去帷

集諫書囊

偶懷寄臺院孫端公祭

才拙道仍孤無何捨釣徒班雖沾玉筍香不近金爐雨
露瞻雙闕煙波隔五湖唯君應見念曾共伏青蒲

谷舊與端

公同在
諫垣

次韻和秀上人遊南五臺

一作司空圖詩

中峰曾到處題記沒蒼苔振錫傳深谷翻經想舊臺蒼

松臨砌偃驚鹿驀溪來內殿評詩切

師以文章應制

身迴心未

迴

乖慵

乖慵居竹裏涼冷臥池東一霎芰荷雨幾迴簾幕風遠
僧來扣寂小吏笑書空衰鬢霜供白愁顏酒借紅扇輕
搖鷺羽屏古畫漁翁自得無端趣琴棊舫子中

南宮寓直

寓直事非輕宦孤憂且榮制承黃紙重詞見紫垣清曉

霽庭松色風和禁漏聲僧一作攜新茗伴吏一作掃落

花迎銷印詩心動垂簾睡思生粉廊曾試處直事稍暇即於都堂

四廊下尋頃年試所題名記至今多在石柱昔賢名來誤宮窗燕啼疑苑

樹鶯殘陽應一作更好歸促一作恨一作嚴城

思門小諫雨中乞菊栽

握蘭將滿歲栽菊伴吟詩老去慵趨世朝迴獨繞籬

香風細細澆綠水
瀰瀰祇共山僧賞
何當國士移孤根
深有託微雨正相宜
更待金英發憑君插一枝

荆渚八月十五夜值雨寄同年李嶼

共待輝

一作清

光夜翻成黯

一作暗

澹秋正宜清路望潛起

滴階愁棹倚袁宏渚
簾垂庾亮樓桂無香實
落蘭有露花休玉漏添
蕭索金樽阻獻酬
明年佳景在相約向

一作

會又
作在神州

寄左省張起居

含香復記言清秩稱當年點筆非常筆朝天最近天家

聲三相後公事一人前詩句江郎伏書蹤甯氏傳

起居
今太

師盧公宅相

傳授書法

風標欺鷺鶴才力湧沙泉居僻貧無慮名

高退更堅漁舟思靜泛僧榻寄閒眠消息當彌入絲綸

的粲然依棲常接跡屬和舊盈編開口人皆信淒涼是

謝羶

谷在舉場時與
起居有恩也

前寄左省張起居一百言尋蒙唱酬見譽過實

却用舊韻重答

減瘦經多難憂傷集晚年吟高風過樹坐久夜涼天旅
退慙隨衆孤飛怯向前釣朋蓑叟在藥術衲僧傳鬢禿
趨榮路腸焦鄙盜泉品徒誠有隔推唱意何堅寒地殊
知感秋燈耿不眠從來甘默爾自此倍怡然蘭為官須
握蒲因學更編預愁搖落後子美笑無羶

杜工部贈鄭
廣文詩云科

名四十年座
客寒無羶

讀故許昌薛尚書詩集

篇篇高且真真為國風陳澹薄雖師古縱橫得意新翦

裁成幾箇

一作帙
述作公篇

近世詩人
什最多

唱和是誰人華岳題無

敵黃河句絕倫

華岳黃河二詩序云此
皆二京之內巨題目也

吟殘荔枝雨詠

徹海棠春

公有海棠荔枝二首序云杜
子美老於兩蜀而無此詠

李白欺前輩

有公



符郎中詩云我生若在
日爭遣名為李翰林

難忘嵩室下

公有嵩
山巨篇

不負蜀江濱

公嘗從事蜀
中著江干集

屬思看山眼冥搜倚樹身
楷模勞夢想諷誦爽精神
落

筆空追愴曾蒙借斧斤

御定全唐詩卷六百七十六



總校官庶吉士臣張能照

校對官檢討臣蕭九成

謄錄舉人臣張昱

欽定四庫全書薈要

集部

御定全唐詩卷六百

七十七至
八十

詳校官原任主事_臣李斯咏



執卷猶聞惜寸陰
自與山妻春斗粟
祇憑鄰叟典孤琴
我來賒酒相留宿
聽我披衣看雪吟

松

下視垂楊拂路塵
雙峰石上覆苔文
濃霜

一作霜濃

滿徑無

紅葉晚日

一作日晚

高枝有白雲
春砌花飄僧旋掃
寒溪子

落鶴先聞那堪寂寞
悲風起千樹深藏
李白墳

梅

江國正寒春信穩
嶺頭枝上雪飄飄
何言落處堪惆悵

直是開時也寂寥素艷照尊桃莫比孤香黏袖李須饒
離人南去腸應斷片片隨鞭過楚橋

鶴

一自玉喬放自由俗人行處嬾回頭睡輕旋覺松花墮
舞罷閒聽澗水流羽翼光明欺積雪風神灑落占高秋
應嫌白鷺無仙骨長伴漁翁宿葦洲

重陽夜旅懷

強插黃花三兩枝還圖一醉浸愁眉半牀斜月醉醒後

惆悵多於未醉時

壬戌西幸後

武德門前顥氣新
雪融鴛瓦土膏春
夜來夢到宣麻處
草沒龍墀不見人

多虞

多虞難住人稀處
近耗渾無戰罷碁
向闕歸山俱未得
且沽春酒且吟詩

短褐

閒披短褐杖山藤頭不是僧心是僧坐睡覺來清夜半
芭蕉影動道場燈

曲江紅杏

遮莫江頭柳色遮日濃鶯睡一枝斜女郎折得殷勤看
道是春風及第花

折得梅

寒步江村折得梅孤香不肯待春催滿枝盡是愁人淚
莫殢朝來露溼來

牡丹

畫堂簾卷張清宴
含香帶露情無限
春風愛惜未放開
柘枝鼓振紅英綻

寂寞

江郡人稀便是村
踏青天氣欲黃昏
春愁不破還成醉
衣上淚痕和酒痕

亂後灞上

柳絲牽水杏房紅
煙岸人稀草色中
日暮一行高鳥處

依稀合是望春宮

長門怨二首

閒把羅衣泣鳳皇
先朝曾教舞霓裳
春來却羨庭桃一作
花落得逐晴風出禁牆

流水君恩共不回
杏花爭忍掃成堆
殘春未必多煙雨
淚滴閒堦長綠苔

郊野戲題

竹巷溪橋天氣涼
荷開稻熟村酒香
唯憂野叟相迴避

莫道儂家是漢郎

宗人惠四藥

宗人忽惠西山藥
四味清新香助茶
爽得心神便騎鶴
何須燒得白朱砂

題張衡廟

遠俗只憑淫祀切
多年平子固悠悠
江煙日午無簫鼓
直到如今詠四愁

山鳥

驚飛失勢粉牆高好箇聲音好羽毛小婢不須催柘彈
且從枝上喫櫻桃

黯然

搢紳奔避復淪亡消息春來到水鄉屈指故人能幾許
月明花好更悲涼

借薛尚書集

江天冬暖似花時上國音塵杳未知正被蟲聲喧老耳
今君又借薛能詩

小北廳閒題

冷曹孤宦本相宜
山在牆南落照時
洗竹澆莎足公事
一來羸寫一聯詩

菊

日日池邊載酒行
黃昏猶自遶黃英
重陽過後頻來此
甚覺多情勝薄情

贈楊夔二首

散賦冗書高且竒
百篇仍有百篇詩
江湖休灑春風淚

十軸香於一桂枝

時無韓柳道難窮也覺天公不至公看取年年金榜上
幾人才氣似揚雄

御定全唐詩卷六百七十七

欽定四庫全書薈要卷一萬八千八十三

集部

御定全唐詩卷六百七十八

許彬

一作柳
一作琳

許彬睦州人舉進士不第與鄭谷同時詩一卷

中秋夜有懷

趨馳早晚休一歲又殘秋若只如今日何難致

一作到白

頭滄波歸處遠旅舍向邊愁賴見前賢說窮通不自由

尋白石山人澗

路窮川島上果值古仙家
陰洞長鳴磬石泉寒泛花
莓苔深峭壁煙靄積層崖
難見囊中術人間有歲華

遊頭陀寺上方

高步陟崔嵬吟聞路惜迴
寺從何代有僧是梵宮來
暮靄連沙積餘霞逼檻開
更期招靜者長嘯上方臺

歸山夜發湖中

廣澤去無邊夜程風信偏
疎星遙抵浪遠燒似迎船
響嶽猿相次翻空雁接連
北歸家業就深處更踰年

同友人會裴明府縣樓

開閣雨吹塵陶家揖上賓湖山萬疊翠汀樹一行春景
逼歸簷燕歌喧已醉身登臨興未足喜有數年因

荆山夜泊與親友遇

山海兩分歧停舟偶此期別來何限意相見卻無詞坐
永神疑夢愁多鬢欲絲趨名易遲晚此去莫經時

北遊夜懷

苦心終是否捨此復無營已致歸成晚非緣去有程館

空吟向月霜曙坐聞更住久誰相問馳羸又獨行

重經漢南

分散多如此人情豈自由重來看月夕不似去年秋
息慮雖孤寢論空未識愁須同醉鄉者萬事付江流

湘江

孤舟方此去嘉景稱於聞煙盡九峰雪雨生諸派雲沙
寒鴻鵠聚底極龜魚分異日誰為侶逍遙耕釣羣

黔中書事

巴蜀水南偏山窮寒壘寬歲時將近臘草樹未知寒獨
猶啼朝雨羣牛向暮灘更聞蠻俗近烽火不艱難

經李翰林廬山屏風壘所居

放逐非多罪江湖偶不迴深居應有謂濟代豈無才壘
巖晴舒障寒川暗動雷誰能續高興醉死一千杯

酬簡寂熊尊師以趙員外廬山草堂見借

豈易投居止廬山得此峰主人曾已許仙客偶相逢顧
已思難答窮經業未慵還能勵僮僕稍更補杉松

寄懷孫處士

生平酌與吟誰是見君心上國一歸去滄波間至今鐘
繁秋寺遠岸濶晚濤深踈放常如此何人更得尋

漢南懷友人

此身西復東何計此相逢夢盡吳越水恨深相漢鐘積
雲開去路曙雪疊前峰誰即知非舊憐君忽見容

送人下第歸江州

名高不俟召操賦獻君門偶屈應緣數他人盡為寃新

春城外路舊隱水邊村歸去無勞久知音待更論

送蘇處士歸西山

南遊何所為一篋又空歸守道安清世無心換白衣深
溪猿共暮絕頂客來稀早晚還相見論詩更及微

送李處士歸山

舊山來復去不與世人論得道書留篋忘機酒滿尊溪
軒松偃坐石室水臨門應有頻相訪相看坐到昏

送新羅客歸

君家滄海外一別見何因
風土難知教程途自致貧
浸天波色晚橫吹鳥行春
明發千檣下應為更遠人

府試萊城晴日望三山

不易識蓬瀛憑高望有程
盤根出巨浸遠色到孤城
隱隱排雲峻層層就日明
淨收殘靄盡浮動嫩嵐輕
縱目徒多暇馳心累發誠
從容更何往此路徹三清

題故李賓客廬山草堂

難窮林下趣坐使致君恩
術業行當代封章動諫垣
已

明邪佞迹幾雪薜蘿寃報主深知此憂民詎可論名將
山共古跡與道俱存爲謝重來者何人更及門

御定全唐詩卷六百七十八